

千頃齋初集

千頃齋初集卷之七

汝南黃居中明立父著

詩部

七言排律

壽潘封公六袞十韻

代家兄

詞賦翩翩繡虎聲
飄然綠鬢謝諸生
論交近結枌榆社
通德高推月旦評
子已承家登桂籍
吾從薦士得芝英
李官夙播清刑譽
蘭省兼傳建禮名
膝下寧親皆玉樹
杯中延壽有金莖
碧瞳

黃髮應難老象服幾冠不道榮絳縣紀年週亥
首東方度世本星精閑看茗甞浮蒼弁醉傲煙
霞遍赤城綵紱今朝娛里第板輿何日挾神京
余亦南極稱籌者歲歲爲公酌大觥

題蔡觀察 貽恩冊

當年建禮靜香含賜履東吳才更諳晴夜攬槍
銷海澨行春膏雨遍江南公車剡薦名無兩
國慶綸褒錫有三孫謀子翼昌而熾壽母令妻
樂且湛再世 龍章門閥耀六珈鸞喜 主恩

單寒氊何幸依山斗秉軸還應荷蓋函之翰之
屏千里寄爲霖爲楫一身擔情同九罭留台袞
欲賦鱗魴媿不堪

辛亥元日書懷示兒龍十二韻

臘盡春回在歲先晴開正旦媚春妍條風爲掃
鍾陵雪淑景初銜璧水煙戶外花枝驚物候鏡
中艾髮感韶年已加學易忘將老其柰知非負
昔賢千里壯心鳴伏櫪半生傲骨寄寒氊自慚
邊孝經無笥敢謂揚雄白未玄獻曝空懷田父

二上
卷之十
二
日憂時誰恤杞人天此身富貴何勞祝兒子聰
明好着鞭文足三冬惟素業家傳二酉有青編
流光汝勿虛燈火薄宦吾猶媿俸錢秋穫由來
多力穡莫言桃李發陽偏

南還海上宿褚氏山庄

六言排律附

六月遙搏鵬翮一枝暫寄鷺棲山空覺塵歎遠
興劇苦烟雨迷有客時來竹所披襟共對花谿
揚帆潮落潮長放屐浦東浦西初月纖纖樹杪
疎鐘隱隱招提坐聽蟪蛄清吹遮莫鄰鷄蚤啼

送畢養志之兩當令

槐市明經高第花封獲借循良仙令行騰三異
神君初試兩當馴雉內綏赤子驅鷄外靖邊疆
莫道牛刀一割看看比屋春陽

王孫巨源以好修顏其堂旁構宴坐齋
最樂處羣鷗閣命曰小山玄賞爲賦

六言六韻

華胄遙來海岱瑤枝穎出 天潢好修竊比荆
屈樂善高標漢蒼禪悅隨緣燕坐機心靜與鷗

忘交游赤髭白足清課茶鎗筆牀錦軸羣編插
架烏皮一几專房山中桂樹眞隱座上蓮華法
王

青州陳孝廉上災民指掌圖圖系以詩
讀未終篇不覺嗚咽宋比玉有賦漫
成十韻答之口占紀實不復計其俚
語也

何人抗疏說齊饑圖卷初開淚已垂亢旱三時
連地赤蕭條萬井斷烟炊浚當渴飲眠牛渤草
作朝饔夕村皮無數拋妻兼鬻子那堪死別與
生離喉間腥血終湏噎机上游魂更可悲不厭
苓通餒狗彘肯留肉骨飽烏鴟月光空照迹亾

屋燐火紛飛漏澤墳縱使鳴鴻能再集其如碩
鼠總難支君心儻化光明燭願上幽風七月
詩

千頃齋初集卷之八

汝南黃居中明立父著

詩部

五言絕句

陳都孺二橋園

玉筍金鷄
二橋名

玉筍空中見金鷄雲外飄揚州今夜月君自好
吹簫

贈陳生

臨池筆是死掞藻氣成虹似挾鴻濛秘凌雲駕

碧空

其二

龍蛇窺史篆
蝌蚪逼秦文
書癖迤來懶
問奇到子雲

舟夜呈與熙宸甫

旅泊三人共
舟行一月偕
徘徊燈下語
忘却是天涯

其二

逐客孤帆夜
間關說苦辛
不知岐路別
猶憶漢

宮春

其三

垂柳足維舟
酣歌同擊缶
莫思身外名
且盡樽中酒

松陵夜泊

長橋堪散步
孤客且停橈
漁火明還沒
歌聲近復遙

其二

山雨秋逾急
江風夜更高
村厓不斷吠
驚破夢

魂勞

渡澱湖

一葦凌萬頃短棹恣長風
莫畏風波惡浮生任轉蓬

作家書

嗷嗷勞手腕臨發草方半
明日尚遲留緘題開復換

其二

索書如索債習嬾故難償
立馬頻相促挑燈一

夜忙

其三

家人生計拙薄俸未能周米價何時減磽田望
有秋

其四

有母正尸饗誰爲菽水供天涯疎定省陟屺意
重重

其五

愁城憐女病學殖戒兒荒父母惟憂疾諄諄囑

蔣郎

謂中獻
婿也

其六

一函又一函刺促語誦誦心神隨去雁何日到
閩南

春日梅花塢十六絕

南國饒嘉卉梅花別有村自矜丘壑性不入五
侯門

其二

樹密難尋塢花深不記叢何來金粟界幻出蕊

珠宮

其三

爲防蜂蝶侵託根在巖野徑久碍來車苔深妨去馬

其四

春意憐花事暫教風雨停香肌嬌嫋嫋啣雪醉初醒

其五

淡日疎疎影微雲寂寂陰休將簫鼓鬧撩亂惜

花心

其六

東皇暗有期一夜遍南枝
莫訝北枝晚千花總未知

其七

風催凍蕊開雨爲新妝拭
安得月明來渾成天一色

其八

湖水孤山月大羅千頃雲
一種香中韻何人得

似君

其九

的的冰懸樹亭亭玉炤人羞看歌舞態艷冶損天真

其十

方外求清友樽前列素娥寒氈風味似相對一
淒淒

其十一

望素空中色聞香近却無莫嫌脂粉淡幽意在

冰壺

其十二

重來看花客愁入鬢毛斑花是去年樹人非昔
日顏

其十三

逋仙空有鶴遜後已無詩與汝歲寒意孤芳祗
自知

其十四

醉嗅杯頻酌吟看席屢移不知零落後還憶未

開時

其十五

若到垂垂實應登
寢廟新商家調鼎者元屬

架巖人

鳩梅屬奉常
實薦太廟

其十六

巡簷觀未足
摘去供軍持一歲一開落何妨玉
笛吹

月臺顯上人北游取經改請南藏護歸溫

陵送之四絕

千月集卷之八
杖錫何年至傳燈此日歸擔經行且讀片片雨
花飛

其二

禪宗總一源大藏無南北白馬忽馱來泉南真
佛國

其三

七祖傳心印西來一字無五千四百卷了義在
冥符

其四

月臺多少樹東偃幾松枝問爾歸何事焚香禮
六時

悼侍兒

漂泊久天涯長貧不問家那堪臨老淚零落鏡
中花

其二

總帳孤燈夕寒蛩四壁鳴機絲無復理畏聽搗
衣聲

其三

通夢今宵枕還魂何處香香銷夢覺後羞對兩
鴛央

其四

鬱抱人難語愁情我自知殘杯花落夜孤枕月
明時

其五

色想總成空情根亦易絕情非色也非此恨何
時滅

千頃齋初集卷之九

汝南黃居中明立父著

詩部

六言絕句

小齋襍咏

小築平分大塊乾坤到處吾廬簾貯一區雲月
家徒四壁圖書

其二

吟料花晴竹雨生涯茶竈筆床一枕黃梁午夢

數聲漁笛滄浪

其三

自署灌園老子人呼閉戶先生剝啄誰題鳳字
吾伊但聽鷄聲

其四

橐韃誰堪牛耳鹽車未老驥心自嘆披裘五月
空爲享帚千金

其五

爲谷爲谿玄牝不生不滅法身世上形骸都假

眼中眷屬誰親

其六

野意鋤蔬種菊禪心打坐焚香稚子自開荒徑
東君爲護晚芳

其七

翠栢枝枝耐歲飛花片片戀春爽籟夜聞衆竅
涼颼曉散輕塵

其八

二酉藏家幾許千秋經國如何長作書間魚蠹

千頃齋集卷之九
不妨門外雀羅

其九

揚子玄猶尚白
柳州巧亦成癡
何如抱雌守黑
道心不損多機

其十

老去難除書癖
年來未識醉鄉
身後榮名不朽
生前杯酒孰強

千頃齋初集卷之十

汝南黃居中明立父著

詩部

七言絕句

清洲夜泊

雙溪一曲入清洲
雨打溪聲急暮流
流水無情驚客夢
夢回曾否到泉州

九日白下小集有懷明臣弟

伯仲壘篴集帝鄉
茱萸遍插醉重陽
停雲幾度

長搔首不見惠連空斷腸

其二

風雨高齋連榻時池塘春草綠離離別來不覺
三秋暮到處尋思夢汝詩

題湘姬蘭竹

湘水風烟春未殘幻來楚畹簇琅玕幽香儘可
充秋佩脩節還應伴歲寒

南樓九品蓮始花明臣弟拉余同賞病
未及赴詩以酬之

豈爲名花斷愛緣無情風雨苦相牽嬌姿羞與
衰顏並暗結春愁未放妍

其二

泣雨傷秋淚未乾含情欲語又開難花神亦自
矜顏色留與詩人醉後看

白蓮

縞衣仙子下雲端微啟朱唇帶笑歡莫訝雨中
姿態減泠泠冰雪總堪餐

九品蓮

翠萼丹葩蘸水鮮朱顏素質闔雙妍自從九品
開花後何處西方有異蓮

初秋送明臣弟省試

平山片石聳鰲峯孫祖題名墨尚濃努力蟾宮

繩祖武置身閬苑步兄蹤

鰲頭峯爲宋狀元陳誠之讀書處明臣乃

祖以庚子薦乃兄以乙酉薦各題名于此

其二

扶搖六月水溶溶海上于今紫氣重會見南溟
搏六翮更看延浦合雙龍

其三

才子紛紛競着鞭
輪君文藻起丁年
芝英不數
閩南美竹箭
應收大國先

其四

矯矯雄文動七襄
震星夜夜炤征囊
鵲橋高起
三千丈爲愛天孫
十二章

武夷山中喜晴

曲曲溪流面面峯
青天巧削玉芙蓉
山霧似解
遊人意放出金鷄
散霧濃

贈馬朝雲

頻黛含犀意轉親
霞眸暗射意中人
朝朝暮暮陽臺下
却笑襄王夢未真

其二

輕如嫩柳瘦纖腰
環珮珊珊步翠翹
羅帶不禁風力軟
可憐飛燕掌中嬌

其三

舞罷霓裳坐客娛
秦聲嫋嫋雜吳歎
不知舊日高唐會
聽得雲間此曲無

其四

錢塘有女字朝雲識字諳經雅好文爲附風流
蘇學士千秋彤管得相聞

新城道中

水滿平疇草滿坡迢迢驛路半成河縱然一雨
澆塵土無奈中原轍跡多

高唐州宿靜觀亭

柳色槐陰共此亭天開爽籟入疎櫺無端風雨
晚來急驚破黃梁客夢醒

宿桐城驛

晴苦炎蒸雨苦泥
長途聊借一枝棲
荒村夜柝驚殘夢
客思鄉心任馬蹄

東阿道上書所見

馬首南來忽見山
山青不改去時顏
天涯極目堪腸斷
愁入行人鬢易斑

其二

粵南中使貢車來
結綠文犀兼翠羽
只道寶琛
美似雲不知驛卒淚如雨

其三

紅箱赤楨革爲囊絡繹山梯獻尚方抵壁投珠
千古事至今聖德頌虞唐

歸自句曲宿戴氏新樓

仙人本是好樓居信宿虛堂可駐車一枕黃粱
炊正熟始覺浮生是蘧廬

代壽喬氏姬其子翰卿方赴北闕秋試
小星嚶嚶出西堂明月簫聲下彩鳳方響時來
招鶴馭霞衣新惹桂枝香

其二

彤管人稱女校書仙郎並手引瓊琚遙知游子
稱觴日綵筆凌雲奏子虛

落第後悼阿至

落拓公車索數奇書傳哭子更淒其何緣命薄
隨朝茵掩淚開函想復疑

其二

昔日悼亡憂子單衰門孽子易爲歡阿兄阿姊
爭憐愛共作明珠掌上看

其三

人人說汝是枚臯黃口爲兒已鳳毛誰識西風
摧玉樹空憐好物不堅牢

其四

婦生七子已三殤兒女天涯更斷腸舐犢中年
情不淺可堪埋骨又他鄉

戲東王士澹末致黃君礪

醒卽攤書醉卽眠臣身原是飲中仙五經自有
便便腹不必芳名借酒傳

其二

老去糟丘堪玩世
狂來白眼向人驕
慚余量斲三蕉葉
磊砢胸中沒處澆

其三

百斛何年有步兵
頻將一石破愁城
古來三藏猶堪活
更與開尊解宿酲

其四

萬事都歸一局枰
手談纔罷覓卿卿
卿輸君賭墅無佳況
何似拍浮了此生

畫史韓景升索題便面

雲烟處處總堪描盤礴解衣老興饒會得藍田
詩有畫何須雪裏論芭蕉

其二

乾坤大半入霞眸筆底青山當臥遊點綴化工
隨刃手不分幹馬與松牛

韓眇一目

夢阿至

經年思子恨如何猶喜夢中得一過醒後茫茫
悲轉切明朝不覺鬢霞皤

其二

兄妹覆樓瀛博間牽衣虛想別時顏何緣有枕
能通夢應爲招魂返故山

其三

音容恍惚是耶非生歿都從海上歸舊日笑啼
今不見情來空有淚沾衣

其四

分明夢裡見含飴却憶當年乳哺時可是探環
能轉世去珠也合有還期

送林彝慎之鄂州司馬兼柬張子環觀

察家惟聚太守

三鱸兆應自金陵報道先生從此升出補非因
桓子議佐蕃端有陸機稱

其二

大冠黃綬次諸侯軍府新開古鄂州文武長材
須一試不妨游刃解全牛

其三

鳳凰山外白雲低鸚鵡洲前芳草萋退食自公

千頃齋

卷之十

八

堪嘯詠由來岸幘有安西

其四

埽淨麾頭康海沂從容樽俎雅歌時臨湘弟子
如相問爲說新詩與解頤

纂慎舊爲醴陵廣文

其五

湘川沔水舊通津坐鎮江城檠戟新黃鶴高吟
應接響詩亡崔灝豈無人

其六

歲德于今集武昌監司守相一時良兩岐行秀

張公麥分陝初封召伯棠

其七

乘驄使者采風來
憲府高從鄂渚開
月滿南樓清興在
可容參佐一追陪

贈僧

杖錫何年向此山
隨緣結夏意常閑
從知禪性無生滅
一任浮雲有去還

其二

鎮日名香手自焚
流塵淨業定中分
悠悠震旦

誰清福占斷青山與白雲

其三

已從初地見牟尼相將猿鶴老爲期兩函經卷
消長日白首應如受戒時

其四

六時修誦五更鐘師住東林第幾峰空門何處
問僧臘堦前開落數株松

豐湖春晝壽葉翁

太保龍潭公子也

太保勲名日月懸承家簪紱舊蟬聯平湖十里

君王賜是處清流可放船

其二

湖水冰寒漱玉灘湖山繡簇披雲島春生海屋
日遲遲日湧扶桑春浩浩

其三

潏灩春風拂水平烟波何地不蓬瀛朱明洞口
盧敖杖白鶴峰頭子晉笙

其四

六如亭下鳥關關滴翠洲前明月灣濟勝輸君

雙屐健烟霞踏遍萬重山

陸伯生以秋日歸唁申相國賦有懷舊
詩送之二絕

馬骨秋高感舊臺山陽笛裏不勝哀生芻一束
人如玉知是南州孺子來

其二

悲秋宋玉賦招魂生死猶啣國士恩多少平津
東閣客幾人重過翟公門

千頃齋初集卷之十一

汝南黃居中明立父著

文部

序

奉賀右都御史兼少司空總理河道霖
寰李公晉秩少保兼大司馬序

日播酋之發難綦市也狡焉匪茹以逆顏行剽
府藏劫獄囚窘戮我疆吏虔劉我毗萌膏血我
內地 天子震怒聲臯徂征屬帥臣勦撫失計

氣益張又挺而走險據深箐飛崖以爲天塹則
鷗鷺獲狝之官而熊羆虎豹之所不得憑且攫
者以故勞師累年亡能如一矢至檄諸道兵竭
三省之財餉僅破其外郭而挫衄又見告矣

天子乃命右司馬霖寰李公往視師自大帥而
下受約束得一切便宜行事公旣至軍中仗鉞
登壇而誓師曰必殲播有歿無二乃合四中丞
部署七將軍分道夾擊斬關奪隘無不人人獵
纓而前而公復厲氣發號授諸將方畧肅什伍

信誅賞招降附卹陣亡嚴敵餌廣間謀擇利趨
便一意併力並進不得相推諉於是果勢壯往
者距躍而爭先縮朒自完者畏法而不敢後蓋
一戰而破烏江黃灘則門戶推再戰而破馬腦
青蛇則羽翼蹋三戰而破苦竹飛虎搗其海龍
之巢窟殲焉首魁投繯歿諸僞黨以次就縛擒
薙無遺種公乃俘其孥圖其山川土田籍而獻
諸朝瓜分其社而郡縣之播人歌舞歡若更
生而我中國數年徵調轉輸暴露之苦始獲息

府 天子之威德始被於椎編雕結之俗咸襲
冠帶於戲盛矣疏奏 上大悅勅幕府亟覈功
狀以聞遂晉公右都御史大夫會公以憂去而
先是河決黃堠口南徙浸及 陵園徐邳黃流
不絕如綫 天子赫然震怒褫在事者爵一時
總河重臣皇皇計出或困積饒相繼殞 詔
特起公田間仍故秩兼少司空總理河道公至
則朝群吏而詢之曰河歲徙歲淤費無已時夫
國初濟運原資洸汶沂泗諸水非全藉黃力也

柰何置清流不理墨守河無兩行之說必迫而東使全流入徐呂豈不爲耳食所誤吾惟不恡地不愛工不拘文墨別開支河以殺水勢卽此溢彼淤亟濬其淤者使兩河並行或逋居焉南不入鳳泗北不侵徐沛足矣條旣具浮議日譁公守之不動屬以霑潦之無時蕭碭豐沛霸宿之間鼃於鼃船於市下邳淺瀨逆溜不可以舟公遂決策濬洳自邳從沂直達夏鎮不數月告成漕艘魚麗而上祖陵晏然無衝嚙憂疏奏

上心加悅會修平播功遂超拜公少保兼大司馬贈三世如其官蔭一子錦衣指揮使予世券賜金百蟒衣一蓋異數云公之屬雲間守蔡君等謂茲役也公之閥明主之資均足張也下吏受成將旅進致賀于史氏徵辭焉余惟夜郎之寇若附肢之癰外食將延腠理漕黃之水若咽喉之梗中隔且虞腹心顧當事者多內重而持兩端獨任則憂軼衆大舉則憂絀財稍不酬畫則憂叢謗而干吏議踈踈焉如護啼子如塞

漏卮幾旦夕無警得傳舍其官以去則稱康侯耳以故寇日驕河日噬師老貲匱結局無期天下事何堪此再壞有如公之淵摹石畫純心不顧家謀國如私赴機如括黜築舍之謀豫衣衲之計治兵而兵治水而水夷大難捍大災不浹旬而鯨鯢京觀陽侯順軌卽兼驅平成且饒爲之又何論王靖遠陳平江之烈哉在易師之九二曰在師中吉王三錫命而孔子係之曰懷萬邦也江漢之詩曰經營四方告成于王而繼之

曰告于文人錫山土田蓋古之君臣其相爲報稱者如此今之河固公之江漢以公師中之吉爲天子開疆拓壤豈不懷及萬邦異時者公入而宅揆筦樞擘畫安攘保乂南北明主且不愛通侯之褒世世永其胙土史氏有辭將銘帶礪而紀玄圭然後知嚮者之言猶未足以張公也

奉賀參知溫陵蔡公晉秩憲長序

令甲監司分臬行部兵大夫備兵餉大夫督餉

水大夫治水其職各有端司無離局獨吾吳在故京之左輔稱股肱重地所轄四郡一州十八邑之兵賦水利什倍它省而綱紀於兩使者使者所督賦當天下半自尚方少府水衡將作以及三宮百執事六軍之需靡不仰給而是四郡一州十八邑之地皆負江海以與沙島隣且中爲南北孔道五民之猾數之探丸嘯聚枹鼓數驚以故蒞其職者不困捉衿則虞短綆而三四中丞六七直指復持斧而踞其上使者日叩承

諸傳檄上責授事而下責受事蓋分歲力而道
途者什之七分日力而案牘者什之九又以其
間朝刺史守令問民疾苦察廉慮囚蠶午無休
時則安得亡掣肘且告飭也若溫陵蔡公之觀
察吾吳非秩行省參知而僉臬憲者哉參知總
財餉而臬憲則兼治水治兵公以長材兼數器
批卻導窾游刃恢恢而居十餘大吏間以交臂
承睫制千里之命左右宜而上下際捷如屑輒
自公在事而河渠疏雨暘若土膏豐涌物產殷

殖一切歲額上供有魴頰牂獮失期而誅後至者乎魚麗在郊樓船戈擊嚮翫髀者悉予浣滌嚮齟齬者悉予縱舍片檄下而韎韐跼注惴惴奉要東壁壘旌旗餘皇組練灑然氣振而色飛有囂我吠庀聚萑苻駕鯨波而舞者乎地形之要緩材官之強脆戍餉之給乏一按籍而瞭瞭不待輶軒四履而收其筋絡節腠於股掌之內若人置一使於几上而受成稟度有債帥賄尉將脩卒驕于行譁伍而呼庚癸者乎蓋公用恭

恭身用約約下內整而外和規恢大而理密其
羔絲之節旣信於士大夫而肫懃洞達復敷其
肺附於狂狷之童有小善則揚之有小失則護
之有未諳機宜則諄諄提命之文武吏洗手奉
職賢者拜公益若沍冬之日不肖者畏公知若
盛夏之霜然其赤心置腹不留纖曖又未嘗不
樂爲公用且耻負公也故竟公三載而貫索宵
空攬搶夜掃敲朴不聞誼鉅箴不聞咎螳臂螯
毒不聞逞鈴閣清讌提衡多士日手公車文而

課中上駟士一經品題蟬聯鵲起至有掄南宮
魁者人以爲文翁牖蜀士常袞興閩學公庶幾
鼎立而二若夫豐稔省刑辦稅唐制以次觀察
考者直公土苴事耳公旣用資望高格當遷主
爵氏推公長粵臬士民皇皇惟恐失公聚族而
請開府願借寇留葢以竟公施開府疏於朝
乞晉公廉訪秩視事暨陽如故母他徙缺士民
望尺一朝上丹詔夕俞葢近日異數云余旣
從部中父老合手而祝交慶得天而臬副李公

總戎李公以書抵余使授簡曰吾儕徼天之衷以獲步趨蔡公之末鑣朝夕矍我譬之室廬公司苦覆我則偃寢譬之舟楫公司樓櫓我則渡筏其寵之一言以張公伐余謂天子誠急公才公則胡不以公長粵臬而晉今秩母亦謂三吳股肱地百辟六師之所寄命不可一日無公也者故父公以終惠吳毋寧公卽臬副公業以吳守遷楚憲行矣士民皇皇如恐失公而旋有今調不忍終教吳民一日戀也所以弗祿吾吳意

甚盛今者周左召右分陝而治蕭規曹隨清淨
寧一而理意者其將以兩公繡袞南服吾吳民
世世得天永徼茲無疆澤洛土保釐風移三紀
吾吳卽一撮土亦故京之東洛也公下車而得
姬公之慎始今茲之役君陳和中異時以公文
武憲邦伏鉞保釐而望南人腹也是其畢公成
終時乎余終以公徼惠於天矣

贈計部大夫涇陽武公擢守上谷序

涇陽衷懿武公繇鄆令最徵拜度支郎出轉吳

二
漕空潞運剔蠹蘇疲馬騰士飽一切家削上供
九式九兩罔不庀具主爵氏奢廉异等擢公守
上谷上谷爲京師右輔西控巖關自己巳之變
紫荆晏開而蚤閉二鎮羽書交相見也比歲狡
酋實啟戎心惻然邀索以嘗我挾虜重以恫喝
我薊遼諸邊枕戈待警保卽稱內地能亡岌岌
於震鄰且易水滹沱之間天下郡國北走都門
道也其民慄悍武健輕徙易搖或卒有水旱軍
興吏不加卹則去爲盜賊以至奇袤相約結禍

福相恐動三家之閥亦時有之蓋邊與腹錯地
軍與夷錯居兵與餉錯事賦繁牒冗歲扎財殫
而一一倚辦於守守領三州十七縣綱紀於一
使者而二中丞五直指復持斧而踞其上上責
授事而下責受事赤羽蜚符麋至蠡午卽分身
左右應之猶皇皇若不給也矧劇瘵彫剋有如
今日者哉陽侯甫息繼以肥蠶冰雹亂墜加之
蝨螣今則山若螟澤若焦原野若甌脫邑有廢
井里無炊烟舍請蠲請賑無策矣而夷氛方惡

九邊荷校之士嗷嗷待哺甲乙之藏空庚癸之
呼亟行且誅宿逋於予遺此予遺者敲髓刻膚
其能望邊人腹乎故饑軍饑民方併命而稿計
臣撫臣亦交口而爭爭則拂拂則激激則不能
亡偏低昂所爲調兵食劑緩急而合二國之成
亦惟守是賴是可謂今日大難然在武公直
易耳公精神舉體操潔而度克規恢大而理密
史稱劉道民五官酬應不相叅涉皆悉瞻舉公
殆有焉天子之用公也先畀之治民而始以治

賦旣畀之治軍而復以治民其於漕粟食貨之
伏弊閭井單赤之隱痾靡不洞若燭照今茲之
役就熟駕輕毋亦曰軍卽吾民民卽吾軍吾安
置左右其間而廷楹眎之惟豫儲胥汰浮耗而
停其軌數競練必且有終歲之備無一朝之急
歲可亡害士可亡脫巾虜可使亡大入又奚至
空國困用上谷誠難以武公直易耳蓋聞之漢
世扞邊安民在慎擇良守夫乘障收保聚競競
守常磨歲月卽守事亦易辦今民就公蘇若稿

二 以上集卷之十一
壤望甘霖士待公飽若饑鷹仰腹秣又奚暇磨
歲月且安必異時虜盡帖然保塞乎公行矣下
車而問疾苦肢體不仁猶緩可任喉領胸腹氣
所緣勿絕者何可令上哽下噎公其實胸腹勿
絕喉領外以固吾國內以集吾民可也

贈上海令南昌劉侯榮擢禮郎序

代家兄

日家弟之博士上洋也繁從郵筒間稱其令長
劉侯之媿政津津不去口大都潔若水平若衡
持若山發若弩捷若宜丸燭若秦鏡和風甘澍

之施九秋霜震電之用一其均役革總寬竈則
第五伯魚之平徭賦也其疏蒲滙塘建龍華港
閘則西門之鄴渠召翁卿之水門提闕也其簡
材官繕雉堞萑苻靡聚吠犬生鼈則蔡偃師之
禦盜虞武威之設險銷萌也其辟則辟衷則衷
閭左不必右閭右不必左則于曼倩之不寃黃
次公之亭疑息訟也其飭澤宮增校田卯翼章
縫而月課歲餼則國僑之教子弟文西蜀之起
學官也乃若雩禱徒步膏雨隨車則無論反火

祛蝗卽百里嵩公沙穆豈其過是以故在事四
晷賈狎市農狎野士狎橫始則杲杲如賓曦旭
旣則熙熙如游華胥終則煦煦如嬰赤之戀慈
乳世有令若此無有哉余方執斑管擬合循吏
儒林以傳侯而未果屬上念郡國吏滯銅墨
久勅主爵第李若令以次當遷者擬諸曹郎以
聞仍得推擇補臺省缺如故事侯用治行高第
故郎春官尚書省益地望加它曹郎一等矣報
至侯且脂其牽家第度終不能臥侯轍則偕其

僚夏君鄭君諸生朱輿張元球龔爲光等馳使
數千里徵余言余於侯家世同袍笏又辱與司
成太史游卽不欲從它縣奪人邑中賢大夫權
然問俗紀政史氏事也其忍沒侯之美不傳而
過孫爲夫身被者實實故思繫聽逖者聲聲緣
實徵實而廉故不刻實而察故不苛實而惠故
不暱實而威故不驚侯惟坦中推赤睢睢于于
一邑之疾痛痾癢盡其肝膽所通一境之痼瘵
困鬱盡其毛衷所屬所在無赫赫居富去思此

其真實心誠信於民詎可色蒙象借哉余在士
言士無間逞昔卽耳目覩記來吏治惟簿書錢
穀爲斤斤有不唐肆膠庠康瓠俎豆者乎有急
士如子月爲程人爲糈課秭程甲乙捐貲割產
以供餽饈者乎有朔望朝諸生延見以時談經
講業不以案牘爲解者乎有不弁髦諸士文字
比句櫛令澤大雅者乎它令君卽好士然懸衡
以待意不能無軒輊有拔幽滯賑窮乏一體賢
愚人人極意去者乎雲間故稱材藪邇習佻達

至觸當事諱或惠文彈治之益詎諄不可詰有
披襟降色化以禮讓進桃李退陽驕令人知自
愛而重扞罔者乎侯雅負人倫鑒章相薪蕪桐
不遺爨竽無濫吹故是科賢書得雋爲盛具出
侯前矛士士以侯爲嚴師爲教父所爲依依不
忍去侯以此侯今擢禮曹郎往矣昔夫子富教
之旨首發於冉有而有於禮樂則曰以俟君子
漢文時守吳公治平第一其客賈生用才舉爲
帝策諸侯王匈奴風俗及正朔服色言甚辯而

不盡行今大宗伯所掌朝祭藩封四夷以及庠序之造貢皆禮樂事也侯諄諄教士人文代興即以馴悍宗制黠虜正人心士習其治效寧止一邑意爾諸生中母亦有通達國體如賈生其人也者起而疏封建畫三表五餌後先佐侯翊天子同文之治寧復如漢帝謙讓未遑時也異日者史良載筆而志禮樂其必首及侯矣

贈由拳長金侯雅初擢南北部郎序

國家張官設吏綦置星羅統領以監司彈壓以

撫察而承以守相令長其爲子民計至殷然郡
守而上皆大吏體嚴而勢隔堂皇豐蔀邈若九
閭獨令長去民邇狎民最暱卽湛膏下流及民
最易且甫脫槩鉛乍親簿牘一切刑名之比附
刀布之出內勸學劭農慮囚咎獄凡百米鹽靡
不心計而手畫之以故吏治之弛張民情之利
蠹國職之興耗窮欄之疾苦冤抑洞若秦銅照
膽不爽鋒針一旦酌元斗秉大鈎取之探囊恢
恢游刃亡不砉然立解自古台衡之司必先試

以銅墨豈亡意哉余居恒自念異時離蔬釋屨儻徼惠縣官分百里符而宰焉庶幾竊比於古之所謂循良也者而起家留曹佐爽鳩氏治司空城旦書日斤斤譽麗求中而技經肯綮之未嘗其何以亭疑法清肺石無枉於陳臬奏當蓋至今猶悁悁悔恨不獲售其初志則幾幸一二古之循良也者以福吾松然亦未易僂指乃今得之金侯雅初則真其人矣侯繇進士高第令故鄣有聲以讀禮去公除補由拳令由拳故鄣

並東南壯縣賦繁牒冗眎它邑可三倍又吳越
錯壤其人勇訟而怯於公輸桀黠狡獪情態亦
相等鄆旁邑有歸烏拳旁邑有華上豪右占籍
者或賄通積猾陰伺長吏長短骫灑而逋稅侯
盡取若曹寘之二尺亡所假貸而士佻達者胥
舞文者勢家舍人兒怙寵作威弱肉強食者椎
埋胠篋者姁媒蔑度者辯有口而巧幻黑白者
深穽而持民陰事者一當侯前輒縣鑒而辟歷
斷之於是邑中稱平詫爲神明囂俗翻然一變

而侯復厲以水蘖沃以霖露察標本而和施劑
寬猛以調適所按治必武健作奸扞罔者所孚
翼必善良註誤亡辜者其淒然似龜易地而肅
同其煦然似春易地而愛同國無虧課亦無困
民園土空虛臥犬生鼈蓋一年而杲杲如賓初
旭再年而熙熙如登華胥二年政成而依依烈
嫗不翅嬰赤之戀慈嫗也世有令若此亡有哉
無寧茲卽古所稱循良吏有若此亡有哉侯旣
案薦登上考主爵察廉異等高可青瑣柱后次

亦不失銓曹蘭省柰之何以一比郎往且留署也夫齒國馬於鴈行疇爲上駟余是以不釋於司銓華亭熊侯則謂侯薄比部耶夫銓衡臺諫豈非顯擢而比者或以除吏爲罪畧國是爲訟端上固難其選寢閣留中有需次長安邸第逾期不調者何如雲司優游朝上疏夕報可且獲息肩簿領之爲快也三人同舟其一獲濟吾儕猶泛泛溟漲未知彼岸其能亡豔於此行上洋李侯則謂維陪京豐鎬都維司寇天下平屬者

匪茹震鄰伏莽生心五方之民亡知而輕作慝
上固曰殲厥渠魁脅從罔治寧詎以束濕操之
君侯爲政公忠平恕茶網施於茹柔金矢得於
噬腊庶其不阿不濫則辟則衷稱天子在宥好
生之德而何不足君侯所乎維余不慧無以難
二侯鄙人何知嚮其利爲有德侯卽去吾松而
留都開國重地三輔貢屬焉江南讞獄什伯它
郡侯以其間覆出釋逮其能亡并州想而不怛
焉加惠一大湔滌也而胡爲介介於司銓侯聞

之听然曰幸不以治邑亡狀得辱秋官政恐不
能秋官耳卽遐陬絕裔一承明金馬閒曹冷局
一帷幄侍從而何置南北散要於其間維是祝
網泣辜憫愚辨枉以毋忘南國敢不拜子大夫
之賜於是二侯顧余曰嚮也識侯之面今乃見
侯之心淵度遠識莫可涯溪它日酌元斗而秉
大鈞恢恢游刃矣因次其語以贈侯且釋余悔
焉

贈同寅莊虞卿大夫擢南水部序

余識莊大夫自吾師黃學士許學士負人倫鑑
所褒詡足鼎鐘天下士世稱葵陽先生者也獨
擊節大夫以爲神駒天馬行當一息萬里者遂
以西戍聯制科越辛丑廷對拜莆郡李聲藉甚
寰中矣余時守逢掖弗敢扱綸而錯餌間從二
三長老耳大夫治行辟則辟衷則衷察麗引經
風生露下藉循資以三年最有不瑣闥惠文冠
者乎乃大夫意不自得輒上書移疾歸歸逾年
改陪京武學再進國子先生前後遭徊於苜蓿

之署幾易星霜而大夫由然曰奉職師儒方不
范不模爲廩廩敢遽廬青氈以砵窳干大討吾
惟不能膏其軸周園當津故困薪積淹驟利鈍
非念所及也大夫旣積次應遷又聲望首六館
久之乃郎冬官尚書省其署水衡水衡領尚方
工作事極米鹽且動與中貴人連卒有大役目
輒兢兢視如蠅集羶區區留工所貯幾何而堪
此漏卮蓋上有不可詰之蠹而下有不可繼之
貲所守者在法之內而所索者在繩之外至於

今而上下交糜事法兩窮當其任者益仰屋歎
矣大夫一旦譏青氈手牙籌赤籀朝夕於葳蕤
之管得毋薄猥瑣有不屑心計大夫負通材其
勤夙夜必不爾也則亦惟是守國家財如其法
守法如其官守官如其身量入而出以濟盈虛
諦前策後必究永圖如是而已古人克勤小物
或於履屐知使材或於筦庫占器度或於竹頭
木屑見綜理豈以是爲謏謏也者而弁髦去之
大夫用水德興請以水喻夫水稱上善靜且虛

也惟虛則受可王百谷惟靜則澄可平中準故
能利萬物而不窮大夫觚不堅介不劇操苦亡
所紛華議論確亡所徇假則靜虛之極而上善
之德也台鉉槐棘且饒爲之其於水衡乎何有
余從同舍郎後旣以世講兄大夫大夫亦溟滓
弟之遑遑傾困廩發余覆不傲以所不知或時
效它山之攻釋余於盤則亦惟大夫之以大夫
不獨余友真余師也顧從游日淺其能無憾於
奪余所師而介介於懷度諸君子之友大夫其

致當不減余故謀所以寄其不諼之思者謂余
居中舊部民於大夫也習使授簡而大夫曰不
若行卷之可懷而披且目在之也余不佞謹推
諸君子之意爲大夫頌并進規焉大夫其毋謂
室遠而有遐心忠告勿忘如同舍時哉

贈雲間司馬肖魯李侯擢守邕州序

南海李侯貳雲間凡七稔始督漕漕辦繼防海
海不波後先攝郡邑符郡邑大理問厥治狀大
都冰蘖以禋身節愛以帥屬破觚斲雕劑猛以

寬批卻導窵鎮囂以靜除煩苛剔冗蠹一切休
以便民整而不擾歲轉漕粟百萬石故多積逋
侯斟酌程期兢練有度寘一二豪猾奸國賦者
於理外不鞭笞一人簡櫛數炊不以一筭器干
賦長諸賦長感泣相戒襁負舳鱸魚麗而上爲
諸鎮先至其建威銷萌徃徃豫爲桑牖衣袂之
計嚴斥堠繕障堡旬尺籍時饌餉肄戈船技擊
簡飲飛材官蹶張潤之勤濂載薙之盡瘼蠡脫
巾無呼干行有戮若采若士咸沃之德其迎款

人殷沅篤密折節雅流未嘗以一銖苟因而點
焉六七年來農嬉畝賈狎市士式於彬彬又輸
我三熟奏我九登人謂渤海朝歌之治庶幾復
見於今願得侯滿歲爲真會邕州缺守主爵氏
以侯名上 上難其代低回者久之疏案請乃
報可侯且脂其牽而先時備兵使者鄒公亦晉
粵西右轄以行於是邦之耆幼譁然曰睠茲吳
粵一體遐邇吁嗟縣官肥瘠异眎旣移我鄒更
敘我李我李竭去吳愁粵喜其餘皇荷校之士

愀然曰孰甦我罷孰軫吾饑我有鄒李宿飽以
嬉鄒李不復使我心悲無以我侯歸兮信宿袞
衣其采漕大夫李侯屬上洋令劉侯由拳博士
汪君聞而愀然曰天胙吳淞界鄒及李維鄒及
李百城是倚輕裘緩帶折衝千里鄒李俱西疇
嗣厥美蕭規曹隨畫一斯紀旣相與攀戀謀所
以臥侯轍而不能則又卽余而言曰侯卽資望
重洵宜守守宜畿南一大郡胡舍吳不守而守
粵且以邕也夫吳與邕孰重大司農歲入吳賦

百之邕賦一之孰要吳三番枕海島寇出沒洪
濤間寢岢之編綠沉如山搏秘如風雨邕僻在
荒服重山密菁獠夷之所居孰急柰何輕去侯
於我侯得臥而治固當然亦藉侯者奢酬侯者
儉矣余起而解之曰以地則吳內而邕外以權
則守重而承輕以治則吳難而邕易以務則守
繁而承約自昔仲容遺歎於一麾延之修郄於
二始嗜進內覲俗情固然然君子爲地擇官不
爲官擇地賈琮用交州陸績用鬱林退之子厚

用潮柳皆夷服瘴鄉也然卒顯名聲施至今而
謂嶺表非仕國可乎夫邕去中華誠裔遠然在
桂林象郡則固冠帶文明之首邦也徒以疏京
師邊夷徼一二旬宣吏稍不加意其民輒望曰
天子得毋夷我而有外心以是易作弗靖今得
一賢方岳曰是有聲於吳之備兵者得一賢郡
牧曰是有聲於吳之防海者 璽書不言重而
其民已讙呼於萬里外曰 聖天子之急吾邕
也甚於吳邕自此賓上國矣而侯以治吳之政

不鄙而臨之卽賈陸韓柳之遺烈可踵而興吳
何得專侯焉侯在吳則吳重在邕則邕重有如
當宁改慮而東南其顧思得文武憲邦之臣以
永惠吳則鄒公必開府侯必握憲節治兵其徼
福我侯未有旣也又何瘠吳而肥粵也哉於是
李侯賦崧高劉侯賦桑扈汪君賦彤弓而余不
佞賡以甘棠之三章邦之耆幼以及餘皇荷校
之士听然曰吾儕小人不知天子所以西侯
者其便若是各賦九戩而辭退

贈同寅畢君養志之兩當令序

余以庚戌拜留雍之命其秋乃捧檄而南則從
二三君子後入聯衽出聯鑣晨興鼓篋朝堂皇
稟要束於長諸生以次問所業退而偃休乎廡
舍促郝披襟權千秋談六籍時出酒茗相勞苦
驩甚亡厭而上黨畢君養志實典雍簿一見欣
然把臂引爲入林交每時餉旣豐糗糒令吾儕
無虞于苜蓿優游卒歲嘯咏山水間頓忘其羶
之冷而蕭齋之爲岑寂也日月幾何遷徙忽庚

其間去留離合之感轉盼已爲遽廬所與諸君子共事久情最深跡最暱自何君次達外則君及李君信卿師君九二數人而已今秋何郎繕署李評大棘師貳鄭子國而君亦出宰兩當以去夫人情聚則樂別則悲遠則思當其聚也不知其樂也散而後知聚之樂也當其別也不知其苦也別而去去而遠而後知別之苦也古者兼葭懷人停雲思友託羽翼于晨風悵三秋于一日辟之迺空谷聞跂音見似人者而喜况吾

儕東西南北人也萍聚一朝宙合千古盟金石
齒弟兄豈非前因宿契而溘焉參商一方秦吳
絕國渺佳人于天末訂後晤以難期執手分袂
伊獨何心能無銷江郎之魂作謝傳之惡哉且
繕曹棘寺貲猶在都也鄭去白下盈盈衣帶可
一葦通也兩當儕絕秦隴逼羗戎春明門外卽
天涯矣疇昔接席餘歡竟邈不可再矣駉駉載
路攬涕還眸又誰能釋然於茲行古人別友生
居者曰何以處我行者曰何以贈我無已則贈

君兩字曰仁曰察而已劉劭志人物有云寬弘
之人宜爲郡國急小之人宜理百里豈非總要
者持大體剗劇者利廉纖耶雍固號閒署然簿
司程秸刀布郡國貢屬焉上供兩廂下餽六館
一切米鹽屑悉取咄嗟辦而君饒爲之出內句
赤籍慎歲蕤之筦不以一銖苟因而黠焉故魁
胥猾吏無所鼠窟其中節縮之羨積帑鏹八百
有奇米亦稱是而才甚幹精甚暇凡吾儕名勝
登臨公餘雅集君未嘗不在坐在坐未嘗不歡

歡未嘗不卜夜也此以知君之仁與察恢恢百里必有餘地已然吾聞之仁以惠顛連非以養疾蠡察以哲幽遐非以操廓革兩當雖邊徼邑乎而介河山爲秦蜀門戶封疆之事內綏外捍則亦惟君之密節宏目建威而銷之萌使武都天水間屹然一長城也斯 聖天子安邊擇令意乎余旣難別君復以規君者贈君君三載課最且以治行徵諸君子倘與交戟之內尋盟有期其以余言爲息壤矣

贈李信卿博士擢南廷尉平序

陪京諸曹局清務簡非仕宦所樂就其在棘寺
則備官鮮事權間一入署庀爰書日未中而還
無它冗劇盤錯也故雖有敏幹長猶靡所別利
取雍容文墨理嘯歌而已卽吏於茲者多厭薄
閒冷輒請急休沐以去以是爲偃息籓廬也而
後先繇南雍徙者則今廷尉平李公信卿與司
務項公晉甫並用經術高第績資望崇深而李
公復奏三年最日二三兄弟之祝其轅也謂宜

留承明含香粉省胡猶滯周南量移棘下一席
地豈鍾臯之陰玄武湖之左左右山水間特以
私文學掌故之臣耶抑岑寂臭味於苜蓿爲近
耶然令丙尊寵師儒朝脫臯比夕參幃幄則又
何也蓋國家爲官擇人非爲人擇官廷平卽
亞諸曹郎一等乎而司寇所具獄得而駁議之
御史臺訊決非送廷尉獄亦不成也故職若徑
省而三尺之秉且與部院埒此其難一 留都
開國重地三輔五陵之豪藪於日下攬捩挨抗

至懷黠不可問胥狃者奴怙主威者商而漁
縣官縉者社而奸煮鑄椎埋探丸者彼視罪罟
若唐肆詎易以束溼操之此其難二司寇列卿
御史貴近臣挾柱后惠文之重意所欲出傳生
議意所欲入予死比試覆覈司空城旦書其間
豈無文致周內緩深故之臯急縱出之誅乎吾
曲而徇其意則冤吾民吾直而折其瑕則形人
短將顧臺體不恤覆盆僅僅署紙尾成案中乎
抑破拘攣之網多所平反乎此其難三夫叢是

三難者以格於外而蕭疎岑寂復困於內則安能無厭薄偷日眎蔭幾弛於負擔以去疇爲元元請命之死而致生之者揚越之民心輕易沸涌不圖難當事漠不動於色其若豐鎬基本何且皇祖之勅有曰以其澄湖印若蒼翠巢顛窠下莫潛毫釐洋洋聖謨豈其湖山供傲吏終日開懷抱而嘯引觴侶酌以快今生耶貫索七宿是名天牢其中貴虛若有實之者則有枉之者矣辟以止辟和以天倪參兩無頗豈人人

好行意而分畛域或多所牽掣推案弗究令梏
拳園土中無繇一鳴愬其抑乎要以禮之所去
刑之所取禮刑相維若輔車惟明經訓傳古義
乃能不詭於法漢制所爲選博士弟子治尚書
春秋補廷尉史卽深刻名能法家必依文學之
士也 當宁之加意舊京而推擇公以此公龐
厚審固又善辯得情彊執亡所阿假聞其拜
命之日卽謝宴游精心法比此豈遽廬其官秦
越其民者又何難易之校而置南北散要於其

間今茲之役其益務吉心恢宏好生之德明登
寬恕如黃霸論報多恩如陳咸肺石無鬱礎益
不寬令 廟堂益重經術士榮施吾黨豈有既
焉結駟之門高于陰德玄成之業起於一經公
世閱則韋世德則于厥胤駢駢嶽嶽方簪豸補
袞彌 天子在宥之治前有光後有輝異時者
活千人而封孫子以明經世其相業也是在李
氏矣是在李氏矣

送高文甫比部榮差歸省序

往余備官海上聞金沙博士有高文甫先生者
卓修有道術君子也既從校事瞻先生者宇容
與都雅如玉樹臨風其迎款人殷沍篤密若素
昵焉者不覺欣然把臂入林恨相知晚迨歲庚
戌余拜留雍命而先生前用文學高第再徙國
博若丞矣幸朝夕先生入聯榻出聯鑣則益習
其人與政大都於已處性於人處情本以宛委
將以嘉栗與之語與其顏貺稱退而察其行事
又與其語稱余每覲先生容爲龍爲光未嘗不

慚余動之躁也聽先生詞有倫有脊未嘗不悔
余言之支也蓋余獲從先生後而後知承之難
與先生之不易爲教南北雍並建章相薪蕙計
亦相埒丞介兩廂六館間職諸生講肄日月上
宣科指下飭楷模過持事權或失僚案驩苛察
淵魚或招謗尤口且躁競之情難調也謹囑之
習難鎮也官師之歲易也生徒之出復無常也
旁竇之不可稽而積竄之不可振也所爲劑競
緣酌張弛一體良楷上觀下獲俾恩輔法而行

則惟先生之成憲不愆不忘旌淑而修其慝挫
銳而植其孱如是而已矣夫大規在上弗若則
暴圓大矩在下弗若則矧方先生今卽有爽鳩
遷而規若矩固昭然皦日濟濟逢掖奉以周旋
庶幾所謂大道亶亶去身不遠而胡爲介介於
茲行惟是南司寇氏總三輔刑獄簡孚聽闕明
允慮讞之繁實倍它曹畿民產兼五方心輕易
搖土沃罷訟其奏當諸爰書豈無鍛鍊周内彌
獄蔽奸緩深故之臯急縱出之誅者乎園上楷

拳之中崩角搶地呼號聲相聞豈盡元兇巨慝
擾紀淪化萬靡有一原者乎五陵之豪馮城依
社怙積習以嘗我或謾爲蜚語以螫我亦有衆
口之不易調謹囂之不易鎮者乎姦胥猾史善
脂緣鉤棘俟伺意原巧文詭法而上下其手亦
有冗牒之不可稽鼠窟之不可問者乎借有之
則其難且什于丞而不易爲理又百于士是可
以驚悍束溼勝其任而愉快乎要之刑以弼教
教以去刑則吏亦一師民亦一士士於四民之

中其桀桀者爾先生宜於士豈其不宜於民虞
廷之教胄子曰直而溫寬而栗剛而無虐簡而
無傲是道也豈惟敷教亦以明刑夫失教而刑
有司之責春秋譏刺不及庶人責其率也不恥
不化而傷不全是病在腠理治以案杌其亦不
達於本務矣管子曰四維不張雖咎繇不能爲
士賈子曰禮禁未然之前法施已然之後維忠
與孝禮教之大端而四維之本也先生教士先
獎誘後督程右行義左華藻其於三禮四維亦

旣彬彬化洽矣今茲之役 嵩祝以教忠陟岵
以教孝其亦念王事靡盬不遑啓居以終惠南
國而示我周行惻爾二三君子兼葭之思也是
先生之教之大也

送助教朱輿仲出守秦州序

令丙博士遷徙歲以三九月其繇鄉校晉國雍
則皆經明行修衰然文學掌故異等者也國雍
之儒得改史職或補臺省郎超拜樂正司成蓋
廣厲學官尊寵師儒其重如此嘉隆以來猶存

此意晚近人溺其職教化之途益輕諸佐都養而稱胄子俊選師者積資序遷高不踰部寺次則刺州丞郡倅若李而已彼其以膠庠之長系被使者旌卽恒調可立致今官安用拔之三舍困頓之穉穠苜蓿以是爲偃休遽廬也又多乎哉且何以重賢闢爲經明行修者砥也癸丑之春南雍六館外補試郡者若務川李君丞秋浦羅田朱君守秦州黃崗羅君守廣安廣濟張君理南雄之四君者竝用文學高第徵而國雍之

僑也一旦聯翩出補以去以地以望得亡稍訕
且內外勞佚之情亦少異矣於是朱君脂其牽
二三同舍郎觴之江上獻鱸而色頊然以語黃
生黃生曰唯唯否否夫仕求行其志耳今之逸
樂以榮內者將志行而職舉耶抑優游禁近縻
日月待遷已也故結綬文石之陞持翰墨論議
則承明柱下洵爲高華然矢言匡謨紆謀曲計
而格上以宣澤百不得一據典操法序職糾違
剴決以遂于下什不得一又其甚則水以投石

激而不入石以投水沒而不出卽有爲國與民之志鬱不及施材諳安得究乎州介郡邑之間居倡和事使之際畫百里爲縣州聯而領之視府于民加親焉方千里爲府州分而理之視縣于任加尊焉民親則可以耳目窮櫺之利病而爲之興除任尊則職耑而威惠之施無有乎不遍故公卿失色於國都者州得耑制于四履矣而謂志有不行乎哉都哉朱君今幸以大夫秩刺古方州豈不能爲所欲爲而信其志則何以

善秦州夫秦故天水郡義軒之遺跡在焉仰隸
漢陽俯臨三邑豈曰實奉其官而虛總其屬毋
亦簪吏所避趨而爲之操縱體民所仰借而爲
之聚施持吉德以敷猶砥廉貞以植柢庶幾哉
左右宜上下際如是足以善秦州矣宋張安道
以尚書帥秦韓稚圭亦秦守也秦邊隴蜀逼羗
戎匪茹震鄰易作弗靖二公皆重臣下遷然卒
用扞民安邊膽寒西賊朱君念哉乘障收保聚
料理士馬夫豈不有韓張之芳躅可踵而行試

下車問邑子儻亦有任季卿其人拔薤置水抱
嬰兒伏戶下者乎以君之敦敏肅給德厚信矸
超乘而比於往喆如電爍矣又何薄州不屑而
置內外邊腹於其間朱君聞而起謝曰受爵於
朝如金在冶惟天子之西顧是慮遑卹其它
忠獻文定高山仰止雖不能至然心嚮往之若
龐府君之聽言如嚮敢不拜于大夫之賜同舍
郎听然曰吾今乃知黃生之善禱與朱君所以
善秦州也請書諸策爲朱君勸駕

贈大冢宰襄陽鄭公奏績序

代衛司徒

余之承匱度支也太宰襄陽鄭公實攝司農事而與余爲代余武其芳規大都厚儲慎發祛蠹防奸酌斂散之經塞漁漏之穴其於軍民之利病廩餼之盈虛桎梏之登耗金穀之出入亡不究也亡不晰也而又躬羔絲之節以風示六曹庭絕篚筐門無私覲一歲計要考成所澄汰甄叙皆參與論厭物情司倉筦權之吏洗手奉職以名行相砥無有潤越中裝者蓋自公在事而

歲若加豐閭閻若加富關市若加易出入之利
孔若加清郡國之灌輸若加便利羽林健兒期
門飲飛無枵腹而號庚癸者矣二三寮案靖共
夙夜無敢請休沐侈騶從宴遊者矣余去陪京
幾何時而再入國門則氣象一新百歲具振學
士大夫師師濟濟一歸於正直忠厚蕩平之軌
臻譎訛之風息謂非公有以陰維而靜鎮之不
可也公旣合前司農績滿三載考司農之屬以
余從公後而夙稟公教其可亡一言以張公伐

余謂績者積也上積於道下積於功積小臣而
爲大臣積遠臣而爲近臣故欲近其人必試之
遠非積小臣之功則無以行大臣之道何者敷
歷久則世故諳盤錯嘗則寡會合鴻猶駿望以
素愜之人情而益孚白意赤忠以素結之主知
而益固也公起家縣令通籍幾五十年徊翔中
外閱歷已深而盤錯已嘗矣繇藩臬晉卿寺繇
廷尉正晉尚書譽望不可謂不孚主上之知
不可謂不厚矣爲郎爲守會江陵柄國匿跡引

避不以粉榆故而濡足權家人以信其介爭吳
仕期之獄不附奸黨坐失當事驩疏乞陳情巖
居十載由由自適人以信其恬平亭棘木一稟
三尺則辟則衷嶽嶽無所阿徇諸貴近豪有力
者不得馮城社而播虐容奸人以信其執貴爲
列卿居不數椽田不數頃澣衣蔬食被服若儒
素人以信其廉留意人才一目別識而覆匿細
過匡其不及或提之沉淪加拂拭焉人以信其
量以 上進賢之不易上卿之席久虛或案請

不能得然至於公則迭進迭推朝上書而夕報
可也一時大臣洊膺 帝簡未有如公之渥者
則 上之信公者深而公之素所蓄積者足取
信於天下也天下之患莫大乎主臣不相信不
信則輕信則重公挾其信且重者以葵 天子
而告公圭必且爲納牖爲遇巷爲茅拔朋亡使
公府之情不隔朔洛之釁不開回天轉日此其
一時此 宗社之福而上臣不世之伐寧直以
南國之績聞也公往哉統均端揆之命行首及

公其必以余言爲左券矣

送姚膳部守杭州序

杭州蓋四王七帝之都山川環麗人物殷蕃水陸奏而舟車會昔人以爲神臯陸海有願擁朱轡一闔斯境而不可得者李唐趙宋名守斌斌史不絕書入明以來自王興福楊孟瑛外何莖莖也將吏治隆汙關乎世運古今人不相及耶抑局異時遷左右畫而上下掣卽有賢者不克自表見耶唐法刺史加號持節得端制四輔六

雄十望十緊宋以朝臣知軍州則公卿侍從出
領承宣之寄天子親爲賜書及詩所以勞行甚
寵汴鼎南移茲邦乃得齒於扶風馮翊尹視京
兆焉秩加隆而權加重矣今一太守耳而六七
監司二三撫按臺使踞乎其上卽瓜分守之精
神應之猶皇皇不給況都會衝馗乎且用自銖
兩罰自城旦鬼薪率取裁二監而憑城社者旁
撓之又漠不可問也能一切便宜行事使德意
下注如昔人否駟驗講張五方之游惰日藪而

析楊日繁也氷統方空吹綸織縞之織作日工而包匭日益也三宮百司六軍之仰哺少府水衡將作之輦輸日旁午於道而物力日詘也貂璫鵷弁尚方採金之使冠猴翼虎日縱橫攘臂於關市而脂膏日削也能川原沃衍生育殷賑傾神州而韞櫝如昔人否周城萬雉列隧四十里鱗比繡錯炫目薰心幾於罄天地無不有也而徐叩所產又非必杭有也北貸粟監河南借薪江潯家競游冶之觀戶鮮宿春之儲辟之人

身外若充盈中實枯瘠而能令其尚禮敦龐如
昔人否夫挾是數不如而重以非時之水旱無
秭之徵求守卽巧嬾詎能爲無米之炊故守難
而求良守於今日之杭尤難之難雖然是足以
難姚公乎哉姚公者南膳曹郎也而署祠曹務
曹務大飭其大指乃在別緇黃明職掌巖杜居
間嶽嶽無少徇先是公兩宰巖邑或瀕海甌或
鄰畿輔其人易動難安乃公爲之批卻導窾奏
刀驕然至滌宿垢規便利以詒來者雖勞怨不

避此豈以數十城元元之命承人睚眦者宜
天子之畀公以杭朝奏記而夕報可也公且脂
牽入杭矣其僚羅君胡君以同舍故事謂余宜
有言余家於杭請言杭故夫杭多名守世有功
烈於民者則長源六井白蘇湖堤引水溉田之
利永與錢塘終始厥德茂矣然於越游饑張復
之不寬鬻鹽者禁乎蘇子容不釋逋金者繫乎
范希文不發粟存餉縱宴遊勸工作貿易飲食
以惠貧者乎蘇子瞻不請免上供度僧牒易米

分坊治病乎火盜並作梁仲謨不脩燿政嚴巡
徼乎俗尚輕靡張臺卿不鋤惡少乎周彥廣不
禁貴近乎李及不冒雪出郊獨造林逋乎張杓
不撫良戢奸法行權要乎此皆調俗奢儉劑時
緩急而爲之休養生息固前人已試之方實今
日對病之藥也語曰不習爲吏視已成事又曰
前事不忘後事之師夫公之爲令爲郎亦旣效
於前事矣今者分銅虎玉麟南面百城而朝其
長吏將按成事而發舒所欲爲豈不倍於曩昔

其破觚爲雕救文以僣美風俗厚人倫於以追
踪往詰卽白李范蘇且優爲之而何有於梁張
以下諸君子然則杭州昔日之難未必非姚公
今日之易也余雖未覩公之面然已識公之心
矣敬述所聞以告公公得無曰是陽鱗錯餌也
者而拾陳言以甘我我驅車去之乎

送蔣祠部備兵賓州序

粵西於諸藩僻在荒服當亥步所窮處而柳慶
思恩則古桂林象郡地交邕之與鄰獐獠之與

居重崗密箐雕題魑結之所藪穴雰靄相薄猿
猱相呼山鬼溪蠻相呌嘯仕宦者至目爲夷國
瘴鄉逡巡不屑就而況乎以清華望郎往也人
情趨疾足邪徑內顧自便之日久矣則以遠見
鄙亦積輕之勢然然豈國家柔遠之指哉豐城
蔣大夫者始令南海有聲徵拜御史出巡行兩
關響應天諸郡國丰采大著以直道誨妒謫判
壽州再徙保康光化令入爲南兵曹旋晉祠曹
蓋二十餘年甲第天子之侍從貴臣浮沉州邑

間踐屈於銅墨下僚斂手版折腰貴人前人謂
大夫意不嫌而大夫豁如也其兩宰巖邑精心
撫字絕不以左官遷客傳舍視之諸所規恢嶄
然石畫爲邑人世世利迨晉曹郎駸駸貴顯矣
而顏日加恭氣日加和絕不以驄馬舊使稍見
嶽嶽惠文色人或以大夫先達不無遜席避大
夫益習爲循牆廩如也二三同舍郎業心折大
夫則謂大夫卿材且歷試諸艱久宜優以禁近
階他年節鉞選而胡爲乎不內而外不卿寺而

藩臬且粵西也得毋以大夫故粵令習粵事乎
蓋主爵氏屢請屢格上疑若心知大夫不欲
遠之者乃竟念撫邊安圉無以易大夫也直謂
大夫資深進一階以參知治兵行臬事而已嗟
夫驚進懷居賢者不免蕭望之難左遷祖尚之
憚遠牧況其乘墉集苑隨風同波者哉身陟矣
以踰級自異矣或曰地惡或曰險遠是陳力之
義圯也且嶺表越駱寧別一天而令其終阻幽
眇不獲望使者檐帷乎仁人不易民而化君子

不擇土而安中孚格豚魚忠信行蠻貊安在其
鬼窟不可夷茭田不可質鳥言腥食之民不可
馴弁髻繡面之酋不可揖讓恭跪於側也以大
夫之矯矯軒軒超然拔俗之韻御史猶是邑令
猶是兵曹祠曹猶是豈置內外夷險於胸者

上若員維茲遠民易動難安特假大夫易之出
驥於櫪伐檀於干知其才足堪此也異時擇公
卿馮翊還列侯河內中原節鉞之寄舍大夫疇
適焉若然則林箐一銅龍重崗一紫陌毒霧重

霽一霽日光天溪蠻山鬼一父老子弟也大夫
其叱馭往矣